



Na osnovu člana 14.3 stav (1) Izbornog zakona Bosne i Hercegovine (“Službeni glasnik BiH”, br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22) i odluka Centralne izborne komisije Bosne i Hercegovine o prestanku mandata gradonačelnika Grada Bihać, Tuzla, Srebrenik i Zvornik, i načelnika Općine Bratunac i Vogošća, Centralna izborna komisija Bosne i Hercegovine je na 92. sjednici, održanoj 07.12.2022. godine, donijela

ODLUKU

o raspisivanju i održavanju prijevremenih izbora za gradonačelnika Grada Bihać, Tuzla, Srebrenik i Zvornik, i načelnika Općine Bratunac i Vogošća

Član 1.

(Predmet Odluke)

Centralna izborna komisija Bosne i Hercegovine raspisuje prijevremene izbore za gradonačelnika Grada Bihać, Tuzla, Srebrenik i Zvornik, te za načelnika Općine Bratunac i Vogošća

Član 2.

(Datum održavanja prijevremenih izbora)

Izbori iz člana 1. ove Odluke, će se održati u **nedjelju 05. februara 2023. godine.**

Član 3.

(Osiguranje finansijskih sredstava)

Gradovi Bihać, Tuzla, Srebrenik i Zvornik, te općine Bratunac i Vogošća, dužni su osigurati finansijska sredstva za provedbu izbora, u skladu sa članom 1.2a stav (2) i članom 1.2b Izbornog zakona Bosne i Hercegovine, u roku od 15 dana od dana donošenja ove Odluke.

Član 4.

(Stupanje na snagu i objava u službenim glasilima)

Ova Odluka stupa na snagu danom donošenja i objavit će se u “Službenom glasniku BiH”, “Službenim novinama F BiH”, “Službenom glasniku RS”, “Službenom glasniku Brčko distrikta BiH” i na internet-stranici Centralne izborne komisije BiH www.izbori.ba.

Broj: 05-1-07-1-2613-1/22
Sarajevo, 07.12.2022. godine

